

後放之也鈕法國家用金臣鈕徑九分圓  
 其外如環之形也修齋畢別卜良日或潔齋  
 之辰備饌饌法師家官及齋主弟子或汎舟  
 以詣水洞或梯陸以登山門各於洞之外雞  
 草掃灑潔淨數列懸席酒果銷饌當鹿脯湯  
 茶等國家六十分臣庶二十四分如嚴齋之  
 儀乃風服澡漱朝詣法事俗如科式所在地  
 司靈官監察將吏當為子關啟洞中仙曹通  
 達告齋之簡如此福善立感不得都無開啓  
 直爾投於洞中不達其靈及獲罪者矣若山  
 水之洞稍速師眾不可俱行難於登泛者當  
 選壇內法職一二人與弟子齋簡以詣洞所  
 設醮關告投其一如本儀若國家投龍五嶽  
 諸山具有金籙科式與此常禮繁省不同矣  
 齋官或公私所拘不得躬詣洞府者可精選  
 謹虔恪信奉恭勤者一人代往行禮無可代  
 者師為關告之又不得藏匿簡文因循持久  
 既關告盟之信所在地司錄奏獲罪非細切  
 宜謹之

无上黃籙大齋立成儀卷之三十五

无上黃籙大齋立成儀卷之三十六

三綱法師冲霄先生留月先傳授  
 太上執法仙士齋啟典重修

修奉應用門

建齋之始投詞頌

渺渺空無象 悠悠感至靈 敬則承天既  
 泄則被魔精 吉凶隨運轉 否泰應緣生  
 道不貴珠玉 神惟在至誠 丹福盡勤苦  
 愆個竭衷情 自然通大道 皆得降真靈  
 捨香陳所願 稽首崇嘉貞 天尊常湛寂  
 回心禮香冥

啟堂頌

學道當勤苦 啟信運丹誠 燒香歸太上  
 真悉雜煙馨 惟祈開大有 七祖離幽冥

三皈依讚

至心歸依

十方道寶當願眾生起心回向一切信禮

至心歸依

十方經寶當願眾生心開悟解受持轉誦

至心歸依

十方師寶當願眾生書上法橋無有障礙

聞經讚

聞經已後 當願眾生 萬罪永消 善芽增長  
 聞經已後 當願眾生 深入法門 皈依信受  
 聞經已後 當願眾生 永斷執迷 常修至道

道讚

道場眾等人各運心皈命三寶无上尊一切  
 念眾官各念功德

請師讚

修齋行道 奉請經師 降臨壇所 藉度文  
 隨文

請玄師頌

科律嚴章奏 精誠享百神 投詞陳懇願  
 潔齋奉高旻 俯盼垂雲駕 冥心啓上真  
 玄師都教主 奉請降凡塵

請天師頌

太上傳符籙 初因遇鶴鳴 積功超玉闕  
 列位侍三清 接引章詞奏 克隨凡庶情  
 修齋當奉請 願俯鑒精誠

請監齋頌

霄號流塵世 仙階列上清 三千功德滿  
八百行光成 禮懺修真福 監齋作證盟  
今宵仙馭降 祥祉被含生

請天官頌

妙道垂真教 修齋立福田 結壇朝上聖  
建應會高仙 注念通宵極 精誠感上玄  
天官乘寶輦 彩仗下凡筵

請地官頌

翼翼陳丹懇 兢兢仰紫虛 祈通陳下志  
願達土皇君 潛應垂真貺 遐臨赦罪辜  
地官來下降 旌擁五雲峯

請水官頌

方便開真化 慈悲立聖科 虔心修妙會  
調燕詠靈歌 默念祈淵府 丹誠通大羅  
水官龍駕降 雲錦起滄波

請五帝頌

五帝居仙品 糾彈善惡因 祥光臨宇宙  
惠澤濟沉淪 發露祈天祐 冥心感聖賢  
存心俱快樂 享福永无垠  
請正一三師頌

靈寶明科範 三師列上清 修齋虔降格  
功德貴精誠 仰屈真仙馭 迴翔羽旆旌  
克時垂福佑 享報應凡情

請經師頌

入靜修黃籙 嚴裝啓上仙 奏章先達御  
詞款欲關宣 寶籙因師度 威儀太上傳  
經師來下降 奉請列羣仙

請籍師頌

肅肅祈清福 說說結實齋 登壇須此夜  
行道續徘徊 有願仍須啓 皈心道眼開  
籍師來下降 仙仗下瑤臺

請度師頌

經戒丹心禱 虔誠召百神 檢香祈至聖  
持戒請仙真 清詠凌朝啟 精思入夜勤  
度師來下降 保護結齋人

焚詞頌

人生多障難 大道實矜憐 救度留科戒  
咸令懺罪緣 愆辜編地府 繫結已聞天  
發露祈真祐 誠心仰聖賢 虔恭禮三寶  
願得長年焚詞歸上界 奏名玉帝前

又  
太虛感靈會 命我生神章 一唱洞九玄  
二誦天地通 混合自相和 九編成人功  
大聖慶元吉 散花禮太空 祈神神必應  
誦福福當弘 諸天並歡悅 一切稽首恭

度簡頌

赤明開元圖 和陽通上虛 元始敷靈章  
十部飛天書 開度九幽祖 萬編道自俱  
玉皇秀瓊林 生死福德虛 自無黃籙簡  
苦根焉得除 旋行誦靈章 五靈還相扶

投龍簡頌

祈真登紫府 山簡云紫微上  
山簡云靈山  
水簡云靈泉 玉女謠梵響 告命詣靈壇  
書名通九地 列宇上三天 永享無期壽  
魁成高上仙

解壇頌

太空包有象 至道窈无形 承和通妙炁  
應感連衷情 愆忽周八極 依稀降萬靈  
微香陳素款 委贖表丹誠 遠泛翔鸞蓋  
避華綺鳳旌 烟宮高鬱鬱 雲閣上停停

瓊駕出霄漢 金龍入太清 甘露冷人世 景福被幽明

送師頌

修齋事畢 仰荷玄恩 志心稽首 奉送其師 雲輿勿住 鶴駕難留 後有修齋 還當奉請

送經師頌

經法雖玄妙 崇奉悉因師 凡有立善者 咸當願禮之 氣運功易就 心慢悔難追 若能勤繫念 朝夕自仙飛

送籍師頌

道以齋為重 法以朝為常 不修不奉者 焉能遊帝鄉 有骨入仙品 自然開紫房 玄女排雲駕 但見金銀堂 是故謝三師 稽首禮虛皇

送度師頌

迢迢玉京山 玄都何巍巍 其人乘虛 朗朗長夜開 大道由人弘 心至神自歸 修齋行道畢 稽首辭三師

送正一三師頌

至道傳師旨 垂光已燭壇 陰靈皆感召

號令肅仙班 鶴駕將臨著 鸞驂亦告還 天邊想歸路 佩玉聽珊珊

送五帝頌

仙仗來霄極 尊臨列五方 焚風吹羽節 鸞輅駐清場 齋事將圓徹 迴輿返上蒼

流恩無不徧 豈但感馨香

送天官頌

妙範修齋直 明科洗罪根 瞻宮崇上善 歷懇致微言 既納依投請 蒙垂福宥恩 天官還玉府 寶駕入金門

送地官頌

淨會朝元罷 齋功結果圓 眞恩宣五嶽 誠悃奏三天 微席停虛範 解壇送列仙 地官迴嶽府 高陟五雲耕

送水官頌

宣演玄音畢 諸仙返上穹 靈風除橫厄 甘露報其功 復命驪龍駕 遙還暘谷宮 水官歸洞府 福祿賜無窮

送監齋頌

靈壇崇法席 允賴下監臨 糾過兼書善

眞仙亦仰欽 行當驅道騎 縹緲五雲深 生存富有賴 更復濟幽沉

送天師頌

齋法已精嚴 表牋奏上天 至誠通感應 闕門得延年 幽冥昏暗獄 罪苦悉皆原 掌握諸天籍 章詞御帝前 祖宗咸升度 嗣裔慶榮遷 三天扶教主 事畢奏功圓

送玄師頌

上帝命眞仙 修齋黃錄壇 諸天來下降 焚香懺罪愆 九時行道畢 齋事已周圓 玄魂得超度 玄師上九天

回曜飛光頌

煌煌滿危燈 閃爍同月光 反照名回曜 滿空象列星 流光如虹蜺 散艷生蓮華 誤入瓊瑤洞 宛在玉芝房 玉女映玉珮 金童照金裳 萬靈登道岸 衆眞聚華堂 龍樓十二轉 晝夜輪光芒

光明頌

太上大道君 位處無何鄉 寶光眞童子 下理九幽房 悲嗟苦現役 披度痛哀傷

二十四門戶 威令聞寶香 燈明長夜照  
願消累劫殃

北帝頌

稽首無上道 歸心元始尊 至真妙應主  
開化飛玄門 妙戒怡五靈 金書警萬神  
察命定籙籍 靈符度苦魂 乘雲朝玉帝  
齊契玄中人

焚簡頌

太上法微妙 籙錄度天人 元始告符命  
時刻獲升仙 傳授救沉溺 皆得自儺然  
書名金簡錄 逍遙玉帝前

白鶴讚

太一真人冰雪容 步虛來往本無蹤  
蓬萊要去如今去 雲在窻前鶴在松  
白鶴千年始一歸 山川依舊世人稀  
不因華表分明語 誰識當時丁令威  
白鶴飛來下九天 數聲嘹唳出祥煙  
日月相催人易老 不如修道學神仙  
胎化靈禽啖九天 雪毛丹頂兩相鮮  
世人不認歸華表 來瑞升平億萬年

散華讚

五京山上朝真會 散花林  
十仙齊奏步虛音 散滿道場天尊前供養  
五色彩雲隨步去 散花林  
六銖仙服著身來 滿道場天尊前供養  
空洞一聲來月下 散花林  
步虛三唱入雲間 滿道場天尊前供養

十念

- 一 念天地交泰
- 二 念日月高明
- 三 念陰陽順序
- 四 念國土安寧
- 五 念帝王萬壽
- 六 念宰相安正
- 七 念萬姓安樂
- 八 念百穀豐登
- 九 念幽途離苦
- 十 念大道興行
- 十一 願乾坤明素
- 十二 願氣象清圓
- 十三 願聖人萬壽
- 十四 願化洽八埏
- 十五 願天垂甘露
- 十六 願地發祥烟
- 十七 願四時順序
- 十八 願萬物生全
- 十九 願家行孝悌
- 二十 願國富才賢
- 二十一 願鄼都羅對
- 二十二 願學道成仙

四結願文

願大道與行經法流演至心稽首正真三寶  
願聖化無疆明齊二景至心稽首正真三寶  
願師尊父母亡者生天見存安樂至心稽首  
正真三寶  
願一切舍生免離諸苦同會無為至心稽首  
正真三寶

大道五清經瓊臺寶光上真十願

- 一 願大道流行普天懷德
  - 二 願一切有生咸悟悟道
  - 三 願九夜悲魂一時解脫
  - 四 願孤寡無依咸得受生
  - 五 願天下太平百穀成熟
  - 六 願臣忠子孝君仁父慈
  - 七 願四海道同究親和解
  - 八 願潛胞處殼俱得生成
  - 九 願積疾新痲旋即痊愈
  - 十 願孤露眾生豐衣足食
- 无上黃籙大齋立成儀卷之三十一